

中國第一歷史檔案館藏

清代起居注冊

康熙朝

中華書局

康熙二十六年五月至十二月

清代起居注冊・康熙朝

第三冊



中華書局

目 録

康熙二十六年五月		一〇八七
康熙二十六年六月		一〇九五
康熙二十六年七月		一〇六五
康熙二十六年八月		一一二五
康熙二十六年九月		一一六
康熙二十六年十月		一一九九
康熙二十六年十一月		一二三九
康熙二十六年十二月		一二〇五

康熙二十六年丁卯五月初一日戊寅辰時
上御乾清門聽部院各衙門官負面奏政事畢貴
州巡撫馬世濟

陞辭恭請

諭旨

上曰爾有所奏否馬世濟奏曰臣係菲才蒙
皇上付以重任實不能勝一切地方事宜請

皇上面加訓誨

上曰漢軍中多有喜做外官者不過希有所得耳
在部院衙門見聞甚近尚不敢為非一至遠處
即便於行私矣世濟奏曰

皇上所見極是漢軍多有願為外官者然臣實不
敢萌此念

上曰今天下雖已承平而百姓甚苦貴州殘破地

方其苦尤甚不但火耗多派於民即一應供億
動輒取之百姓是受困者搃此民耳又聞驛遞
一項因雲貴往來差使頗多竟有該給一馬而
多至數馬者豈得不爲病民世濟奏曰俟臣到
過地方方敢有所陳奏

上曰爾縱到地方恐亦未必能如何措置也世濟
奏曰臣祖父世受

國恩臣雖無才敢不竭盡心力悉奉

皇上聖訓遵行

本日

起居注官孟亮揆朱都納

初二日己卯辰時

上御乾清門聽政部院各衙門官員面奏畢大學
士覺羅勒德洪明珠王熙宋德宜余國柱學

士吳興祖徐廷璽盧琦以折本請

旨吏部題兵部侍郎郭丕陞任
負缺開列學士吳喇代等

上曰喇都虎着轉補兵部右侍郎
喇都虎負缺以學士吳喇代陞補

本日

起居注官徐元夢顧藻

初三日庚辰

上以

仁孝皇后忌辰不御乾清門理事是日因天旱頒

詔天下

本日

起居注官多奇彭孫通

初四日辛巳辰時

上御乾清門聽部院各衙門官員面奏政事

本日

起居注官伊圖高裔

初五日壬午

上諭各部院本章俱交送內閣轉奏

本日

起居注官庫勒納胡會恩

初六日癸未辰時

上御乾清門聽部院各衙門官員面奏政事

本日

起居注官德格勒徐嘉炎

初七日甲申早

上詣

太皇太后

皇太后宮問安辰時

御乾清門聽部院各衙門官員面奏政事

本日

起居注官朱都納熊賜瓚

初八日乙酉辰時

上御乾清門聽部院各衙門官負面奏政事巳時

上幸暢春園申時回

宮

本日

起居注官徐元夢蔡升元

初九日丙戌

上以祀

方澤齋戒三日不理事

本日

起居注官多奇陳元龍

初十日丁亥

本日

起居注官伊圖彭孫通

十一日戊子早

上於保和殿視祭

方澤壇祝版畢回

宮已時

召尚書陳廷敬湯斌侍郎徐乾學少詹事耿介侍
讀學士高士奇德格勒侍講學士孟亮揆侍
講徐元夢諭德徐潮中允徐嘉炎編脩熊賜
瓚勵杜訥等

命侍郎管掌院學士庫勒納引至

乾清宮內

上出首題吳天與聖人皆有四府其道何如次題

閱農五言排律十二韵面試各以試卷呈

覽

上閱畢謂諸臣曰朕政事之暇惟好讀書始與熊
賜履講論經史有疑必問樂此不疲繼而張英
陳廷敬等以次進講於朕大有裨益然限於資
質未能融貫不過得其大概從來不輕評論古

人即如明史一書朕亦不遽加論斷然品評古人猶易古人無可對証若品評時人即有對証非古人可比矣昨偶召德格勒講書言及熊賜瓚學問不如徐元夢朕思漢人學問俱有根柢乃云遜於元夢朕心以為不然故召爾等面試今妍媸優劣已較然矣陳廷敬湯斌徐乾學等

奏曰